



Universitätsbibliothek Paderborn

Praxis Episcopalis

In Qva Episcoporum Non Tantvm, Eorvmqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolviones ... quām brevissimè
continentur

Zerola, Tommaso

Coloniae Agrippinae, 1680

Privilegium.

urn:nbn:de:hbz:466:1-10447

illud beneficium, quo privatus fuit, conferre, ne dolus videatur sibi patrocinari, & negligentia prodeste, c. commissa, de elect lib. 6. Clem. ne in agro. §. ceterum de stat. mona. Rebuff. de non prom. in an. num. 80. hoc fallit in Papa, quia id potest, non autem Ordinarius, ratio est, quia ille est supra jus positivum, hic autem non.

PRIVILEGIUM.

Primo, Privilegia concessa alicui loco, si locus ille uniatur alteri, etiam privilegia uniuntur, Inn. in c. novit, n. 1. de sede vac.

Secundo, privilegia antiqua non indigent aliqua verificatione, idem in c. Abbate, de ver. sign. Imola. in Clem. litteris, col. 3. prope fin. de prab. & si excedant centum annos, probant per verba narrativa, & enunciativa, Caput aq. decis. 378. p. 2.

Tertio, Privilegiis non possunt renunciasse praesentes in praeciduum successorum, nec deperditur per non usum decem annorum, Fel. in c. cum accessissent, num. 37. de conf. Caput aq. decis. 379. nisi concedatur pro alia facultate, quia tunc spatio decem annorum deperditur per non usum, Balb. trad. de prescrip. 4. par. 5. princ. c. 4. num. 2.

Quarto ea, quae possunt quæri per privilegium, possunt per prescriptiōnem, & consuetudinem, Pan. in c. accedentes, de prescrip. Fel. ibi, num. 6. Nava. in c. non dicitis, num. 44.

Quinto, Privilegia Doctorum, ac Prax. Episc. Pars II.

studentium in alma Urbe, vide Bon. VIII. Bul. 2. Urban. VI. Bul. 1. Eugen. IV. Bul. 1. Jul. II. Bul. 12. Leo X. Bul. 2. Jul. III. Bul. 20. Pii IV. Bull. 112. Pii V. Bul. 59. Greg. XIII. Bul. 27. vide Azo. in sum. lib. II. rub. 18 & 20. Codicis.

Sexto, an pro probatione privilegii sufficiat copia, vel scriptura privata, an ipsius privilegii authenticum, vide in c. cum persona, & ibi gl. in ver. tradere, & ver. in text. quod sint tales, de priv. lib. 6. & Gem. in c. ordinarii, §. quod si forte, ver. & si dubitatur in facto, de off. ord. lib. 6.

PROFESSIO.

Primo, quando jura loquuntur de ingressu, vel de professione alicuius religionis, de quo ingressu, & de qua professione debeant intelligi: videtur quod de primo ingressu, id est, de inductione habitus, vel de professione tacita, quæ sit post annum probationis, cum habitu indistincto, prout cap. beneficium, & ibi gl. in vers. conferendum, de reg. lib. 6. & in c. unico, & ibi gl. in sum. eod. tit. & Clem. de reg. si. & ibi gl. in ver. deinceps, de regul. Extr. ag. Joan. 22. concert. & alia jura vulgata, quæ brevitas causa omittuntur, tamen oppositum est verius, quod intelligentur de ingressu irrevocabili, qui sit irrevocabilis per professionem expressam, & de professione solenniter facta, probatur primo, quia quis non est propriè religiosus ante professionem expressam, cap. religioso, §. quamvis, de sent. excom. lib. 6. nec perdit dominium, neque professio-

R

fessio-